



Universitätsbibliothek Paderborn

Instructio practica ...

Succinctam Doctrinarum Asceticarum Svmمام Comprehendens - Quam ad majorem omnium in Ascesi proficere cupientium utilitatem ac subsidium

Lohner, Tobias

Dilingæ, 1685

Caput II. Quid sit Perfectio.

[urn:nbn:de:hbz:466:1-48214](#)

2 Cap. I. *Quid sit Ascēsis, & quod objectum illius.
que tantō clarūs cognoscatur , ante omnia objectum
illius materiale & formale indagandum est.*

III. Objectum ergo materiale quod attinet, illud nihil aliud est, quām operationes voluntatis, quātenus capaces sunt ipsius perfectionis recipiendæ; cūm enim perfectio , ut sequenti capite dicetur, in caritate velut perfecta possessione summi boni consistat , caritas autem in voluntate velut naturali suo subjecto resideat, merito voluntatis etiam Operationes potius objectum proximum , quām operationes intellectus statuuntur, licet hæ etiam præsuppositivè requirantur, multūnque conducant ad perfectionem caritatis asse- quendam.

IV. Ex qua doctrina circa objectum materiale præsupposita facile nunc est ipsum etiam objectum formale assignare , quod scilicet illud nihil aliud sit, quām ipsa conducibilitas ad supremum finem optimo, quo obtineri potest, modo consequendum ; per hanc quippe formalitatem velut differentiam Theologia Ascetica à reliquis quatuor Theologiis distinguitur, quæ omnes vel circa D E U M speculativè duntaxat consideratum , vel certè non sub hac ratione perfectio- ris possessionis spectatum versantur, uti ex ijs, quæ nunc in sequenti capite de perfectionis natura dicentur , clariūs patebit.

C A P U T II.

QVID SIT PERFECTIO ?

I. Perfectio in genere nihil aliud est , quām plena & absoluta finis sui ultimi consecutio; tunc enim res quilibet in suo genere perfecta censetur , cūm s- nem, propter quem facta aut creata est, plenè est ase- curata,

cuta; uti omnium rerum creatarum inductione patet; cum ergo & Homo creatus sit ad hunc finem, ut Dominum DEUM suum velut summum bonum in hac vita inchoative, in altera vero vita perfectè possideat, haec autem possessio non possit per realem conjunctionem viâ ordinatiâ fieri, necessariò per unionem moralem, nempe per cognitionem & amorem fieri debet; & hoc scilicet DEUS ipse Gen. i. indicavit, dum hominem ad imaginem suam conditum esse dixit. Hoc & Christus Matth. 5. innuit dicens: *Estote perfecti, sicut Pater vester cœlestis perfectus est.* Ubi utique non requisivit, ut in quantitate Perfectionis Patri æterno similes essent (hoc enim constabat impossibile esse) sed in ipsis omnibus operationibus perfectionem suam sitam esse existimarent, in quibus perfectio Patris consistit, videlicet quod sicut Pater æternus seipsum cognoscendo generat Filium, & dum hunc infinitè amat, & vicissim ab ipso taliter amatur, spirat eum ipso Spiritum Sanctum, sique per istam cognitionem & amorem sui quodammodo tota Trinitas exurgit; ita & Homines tunc se perfectos esse existimarent, si per cognitionem & amorem eidem moraliter adhærerent, & sic unus cum eo Spiritus fierent quemadmodum Apostolus 1. Cor. 6. loquitur.

II. Ut vero clarius adhuc iste finis & perfectio Hominis cognoscatur, supponendum est, duplicum inter Homines amorem reperi, concupiscentiae scilicet, & amicitiae; prior est, quo alteri bonum optamus, gratulamur, vel procuramus propter nos, & bonum nostrum; posterior est, quo alteri bonum voluntus propter solam ipsius Personam, sine respectu ad bonum nostrum. Et in hoc amore, qui propriè amor

dici meretur, consistit perfectio & beatitudo Hominis. De quo tamen ulterius sciendum est, quod etiam ipse ulterius subdividatur in affectivum & effectivum. **Affectivus** est, quo alicui præcisè bonum, quod habet aut habere potest, per internum affectum gratulamus vel optamus, absque eo, quod ullum conatum adhibeamus, ad tale bonum eidem procurandum. **Effectivus** est, quo a&t;a aliquid facimus propter alterius amorem. Utroque hoc amore se perfectissimè amat DEUS, dum scilicet & summè sibi complacet in suo esse, gaudetque infinitè, quod sit, qui est, summè sapiens, bonus, potens &c. & omnia quæcunque ad extra operatus est, & etiamnum operatur, propter se duntaxat, & propter gloriam suam facit, quæ gloria in eo consistit, ut ipsius Bonitas cognoscatur, & super omnia ametur. Cùm ergo, teste Granatensi in loc. com. summa hominis perfectio sit, principio suo conjugi, illique, quatenus licet, perfectè assimilari, rectè concluditur, etiam ipsum duplici hoc amore DEUM diligere debere, si perfectus esse velit, atque adeò totam suam industriam ac conatum eò unicè referendum esse, ut non tantum DEO suum esse infinitum ex animo gratuletur, sed etiam in suis actionibus se sanctissimo ejus beneplacito perfectissimè conformet, ita ut idem cum eo velit, & nolit, idque purissimè, quia ipse vult, & non vult; seu, ut alij clariùs exprimunt, ut semper faciat, quod vult DEUS, & quomodo vult DEUS, & quia vult DEUS, hac ratione namque se quoad substantiam, modum, & finem atque adeo perfectissimè conformat, uti appositiè quidam sequenti distycho expressit:

Omne

Omnis tulus punctum, patitur qui semper, agitque
Quæ vult, quovad modo vult DEVS, & quia vult.

Ut adeò meritò DEUS de Davide velut viro perfecto
Act. 13. dixerit: *Inveni David virum secundum cor
meum, qui faciet omnes voluntates meas*, indicare scilicet volens, eum omnem perfectionem in voluntate
divina adimplenda implevisse, dum & quoad substantiam id semper elegit, quod DEO summè placere intellexerat; & quoad modum quoque illum elegit,
quem DEO gratiorem esse cognoverat, & quoad finem denique solum DEI beneplacitum purissimè intendit, ac quæsivit. Quod ipsum etiam in ipso DEI
amore, quo seipsum amat, quicunque est exemplar nostri amoris cernere est; nam imprimis semper facit,
quod vult juxta illud. Psl. 113. *Omnia, quacunque vo
luit, fecit. Et quo modo vult, id est, optimo, juxta*
illud Gen. 1. *Vidicque DEVS cuncta, que fecerat. Es*
erant valde bona. Et tandem quia vult juxta iudicium
Prov. 16. *Universa propter semetipsum operatus est*
Dominus. Idem etiam in ipso Christo perfectissimè
cernere est, ut qui semper quoque id faciebat, quod
DEUS Pater volebat, ut ipse Joan. 6. f. ssus est: *Et*
non reliquit me solum, quia quæ placita sunt ei, facio
semper. Et quo modo Pater volebat, uti Populus
Marc. 7. de ipso testatus est dicens: *Bene omnia fecit:*
& verò ipse etiam per verba illa in cruce prolati, *Con
summatum est:* satis confirmavit. Et quia Pater vo
lebat, juxta illud Joan. 8. proprium testimonium: *Ego*
non quero gloriam meam, sed ejus, qui misit me.

III. Ex qua explicatione perfectionis obiter col
ligi potest, et si Ascetæ interdum diversimodè illam
explicant, & alij quidem dicant, eam in perfecta con
for-

formitate voluntatis humanæ cum divina, alij in perfecta quotidianarum actionum transactione, alij in illis Davidicis verbis, *declina à malo, & fac bonum*; ali denique in hoc, ut homo Dominum DEUM laudet, reveratur, & amet, eique serviens salvus fiat, consistere; omnes tamen in substantia convenire, fateri que debere, perfectionem in caritate consistere; sed quia non omnes satis cognoscere videbantur, in quo consistat caritas, ideo conati sunt clarius eandem per modos paulò ante indicatos explicare; ex quibus tamen omnibus modis iste, quo dicitur, caritatem in eo præcipue consistere, ut quis semper id faciat, quod DEUS vult, quo modo vult, & quia vult (quem P. Rodiguez p. 1. tr. 2. c. 1. & P. Vincentius Caraffa in suo Itinerario insinuant) præ cæteris aptus & facilis videtur ad naturam perfectionis & caritatis explicandam, & quidem ob tres causas. 1. Quia distinctius caritatis officia explicat, quam alij; nam, licet dicas, caritatem in perfecta conformitate voluntatis humanæ cum divina consistere, aut in perfecta transactione quotidianarum actionum, adhuc tamen explicandum restat, quando vel voluntas perfectè conformata, vel opera quotidiana perfectè transacta dici debeant, quod quidem hic modus clarius explicat, dum ait, tum perfectam laudem, servitium & amorem DEI haberi, quando actiones in substantia, modo, & fine, divino beneplacito conformes habentur; quomodo enim aut Opus suum Artificem perfectius laudare, aut servus perfectius servire, aut sponsa sponsum perfectius amare possunt, quam si semper agant, quæ, quo modo, & quia Artifici, Domino, sponso maximè placent? 2. Quia ex hoc ipso modo explicandi per-

fectio-

fectionem facilè colligitur , quantum aliquis in perfectione proficerit ; cum enim quilibet ex his tribus actibus alios sub se gradus contineat , & quoad substantiam quidem ille censeantur DEO magis placere , in quibus homo plus abstinet , aut iustinet , aut quæ non ad propriam duntaxat , sed alienam etiam salutem ordinantur : quoad modum vero DEO magis placeat , qui diligenter , alacriter , & constanter operatur : & quoad finem denique magis placeat , qui minus de solatio , præmio , aut laude humana pro operibus suis querit , aut admittit , facilè patet , tanto majorem quemque in perfectione progressum fecisse , quantum perfectius gradus hos assignatos impleverit . 3. Quia idem modus percommode etiam ostendit , quomodo quis in suo statu perfectus esse possit , atque adeò omnes à Christo per illa verba Mat. h. 5. ad perfectionem invitati sint : *Estote perfecti , sicut & Pater vester cœlestis perfectus est :* et si enim multi excusat se possint , quod non possint varias austertates , aliaque opera valde ardua suscipere , nemo tamen excusare se potest , quod non possit facere , quæ vult DEUS , & quo modo vult , & quia vult , cum DEUS nihil ab homine ultra vires & statum illius exigat , & , ut bene Thomas Kempensis l. I. c 15. advertit magis penset , ex quanto quis agat , quam quantum faciat . Quæ omnia paulò fusiùs explicanda erunt , quia super illis tanquam solidō fundamento omnia , quæ deinceps de perfectione dicentur , exstruenda atque fundanda sunt .

* *